

Meni se unaprijed dogovara kod svečanih prijema kao, banketa, poslovnih ručkova i raznih drugih svečanosti, svadbe, slave, rođendani i sl kao i u pansionskom poslovanju. Prednost je u tome što osoblje restorana unaprijed zna svaki detalj koji mu je potreban za obavljanje kvalitetnih pripremnih radnji kao:

- oblik stola,
- broj gostiju,
- vrsta menija i broj gangova u meniju,
- dekoracija stola,
- početak i orijentacioni završetak obroka,
- mjesto i broj glavnih gosti za stolom,
- vrijeme održavanja pozdravnih govora i sl.

Kad su poznati svi potrebni detalji vrše se pripreme radnje u ofisu i u sali za posluživanje. Ukoliko se radi o svečanom prijemu kao što je banket, najprije treba izvršiti odabiranje potrebnog i odgovarajućeg pribora za usluživanje po gangovima iz menija pomnoženo sa brojem gosti plus određeni broj rezervnog pribora i forlegeri. Sve se ispolira do visokog sjaja.

Pripreme radnje u sali za usluživanje počinju sastavljanjem stolova u odgovarajući oblik. Stolovi se centriraju i poravnaju.

Centriranjem stolova pokazaće se da je neka od nogu stola, usled neravnog poda kleca, u tom slučaju treba napraviti određene režnjeve od plute i postaviti ispod noge stola i tako ga učvrstiti i poravnati. Stolovi se prekrivaju velikim banketskim stolnjacima koji padaju preko ruba stola do sjedišta stolice ali da ga ne dodiruju. Ukoliko se prekrivanje vrši sa klasičnim restoran-
skim stolnjacima, onda se to radi preklapanjem stolnjaka tako da rub stolnjaka mora biti okrenut prema unutrašnjoj strani, preklap manje vidljiv i u strogoj ravni.

Voditi računa da preklapljeni stolnjak mora biti gornji gledano od ulaza u salu za posluživanje. Dok se vrši prekrivanje stola stolice su odmaknute da ne bi smetale prilikom obavljanja ovih radnji. Kada se prekrije sto onda se poravnaju stolice tako da se za svakog gosta planira između 70 i 80 cm prostora.

Tanjiri ili salveta postavljaju se na sredini strane stola ispred gosta, da budu u besprekornoj ravni sa tanjirom i salvetom na suprotnoj strani stola. Tanjiri će se postaviti ako meni po-